

平齋文集

平定縣志

平齋文集卷第二

詩一

廬山五猗

猗若人兮葛巾渡柴桑兮水泠泠稚子髧兩髦兮
從而後東家有酒兮綠參天其蔭柳山風涼兮月
暝枕白石兮未醒漭無極兮天游不知乾之爲馬
兮坤之爲牛

猗若人兮錦袍屏九疊兮紫雲高騎雲氣兮超遙
汗漫下上兮昌羊以遨左手兮提北斗之杓右手
兮挈東海之鼇摩兩耳兮酣熱眇八荒兮秋毫
猗若人兮草堂谷簾夕陰兮香爐朝陽表溟滓以

爲門兮架虛空以爲屋四海非無友兮邀白雲而
同宿風露澹兮我琴舞玄鶴兮龍吟與太古兮同
音尚靈脩兮知心

猗若人兮黃犢春風蕩兮瑤草綠犢護草兮行復
止隔林呼兮老鰕鰖眠犢背兮閑閑仰看青天兮
飛鳥還恍夢游兮何所箕山潁水兮匪巢伊許

猗若人兮深衣萬鐘不爲泰兮一簞而遯肥溪之
清兮不受溜月離離兮風披披芙蓉兮涉採欲淡
兮心夷駕言兮何之羲文兮與歸

解纜

春落平蕪外舟行白雨邊鳩鷹山爾汝櫓畫水之

玄官冷誰能吏身閑便是僊康廬真箇去信有夙
生緣

晚晴

子規聲裏半晴陰百丈牽行岸草深挾雨倒回風
有力避山橫轉水無心人於熟處難爲別酒到離
邊不柰斟漁叟底知如許事櫂歌穿入暮烟林

水宿

分席眠鷗渚廬山夢已通蓬聲疎密雨燈影往來
風我正思吾母兒應說乃翁擁衾天未曉此味與
誰同

過四望山

人遠鷺孤立湖平天四垂
拖移舡解語帘舞酒求知
望眼傾三笑騷吟寄九思
今宵吾計得解鼈薦
鷗夷

阻風呈趙史君

三絕

長紅送酒出江城
檣燕喃喃第二程
風色似知攀
卧意打頭未肯放舡行
倚風晴纜着煙莎
一抹斜陽白鳥過
脫手簿書無
半點細翻黃卷課
龜羅
遲速乘除轉晚飈
布帆快意定明朝
廬山試問高
多少欲望西川萬里橋

左蠡

山爲飛沙白江綠漲潦黃古今雙去驚天地一輕
航雋永還歌枕牢愁忍別觴晴雲橫不度何處是
柴桑

落星寺

春秋隕石于宋五分作金焦與星渚大圓鏡裏八
窓開面面魚龍聽人語瀑垂一線吹不動山擁萬
騎明可數嗟哉蓄眼無此奇欲倒銀河卷歸去

入山

篋輿軋幽徑喬松矯踈花好鳥媚嘉蔭圓吭咽清
笳膏畦走秧馬茅簷嘶蠶車誰知天下樂盡屬山
人家橋橫澗水斷寺古林屋斜

羅漢寺

銘架鎮法鼓

詩碑記煎茶尊者儼如故天奎失龍蛇劃然小窓
開五蕊撐豁訝斗酒軟兩脚捷步窮烟霞

三峽橋

太行擘破黃河出鼉鼉翻身滄海立老龍抱寶正
鼯睡地底黑風吹霹靂挹之以北斗之柄淪之以
明月之璧啜之以太白東坡兩謫僊尚不負乎此
山之泉石

萬杉寺散珠亭酌觀音泉

蒼杉拱立萬夫長破衲素封千戶侯昨夜金僊失
瓔珞寒光蒲地不曾收

瀑布

開先寺後

青壁雙尖長劒倚博山
突兀晴煙紫槐里先生醉
欲醒丫山道人定初起
摩莎兩眼看飛虹猛悟此
身如此水崑崙絕頂有真
瀑倒瀉生肥玉池裏淙淙
夜半漱白石十二瓊樓浸
清泚是中有味人不
知白練銀河較形似

青玉峽

水繞江南阿李家
滿空飛雪響雷車
流將采石磯頭去
坐看浮梁壓浪花

開先乃李中主書院

大孤山

洶長江其迅流
歸傑石乎中峙
送兩目兮雙帆有
美人兮千里

東西林

遠永兩尊宿未了人我心相距纔百武割據東西
林淵明游其間買酒時共斟虎溪醉來往同是廬
山陰清溜轉幽港斷雲度巍岑等作如是觀爐香
對森森

天池燈

山谷人家避李成誰知劫數莫逃兵到今鬼燐青
無數認作文殊佛火明

庾樓

湓城陶庾共功名廟食樓居孰重輕袞袞長江流
不盡淮山青處夕陽明

谷簾泉

山椒飛派落寒空
閩水曾收第一功
萬馬鐵衣行夜雪
六虬銀甲動秋風
分甘晚到玉川子
知味早輸桑苧翁
手弄潺湲坐盤石
蒼涼新月上孤桐
楚城靖節祠
雨引莓苔上短垣
流泉無恙自涓涓
不如歸去來
兮好百世聞風只杜鵑

湯泉

水府燃犀處
扶桑浴日時
能觀雷復地
始信坎生離
淨垢元無著
溫涼祇自知
驪山殷鑒在
莫受阿環緇

歸宗墨池

龍跳虎躍入昭陵墨汁空留一段冰散作淋漓元
氣濕屋頭老木掛踈藤

三疊泉

捉月仙人不到處騎鵠凌風高着步龍從翠壁插
天開天上飛來素濤怒玻瓈琢出蓮花漏激電吸
蜃高下注布帆危掛八節灘飽風吹上龍門路冰
絲細織無幅綃雪花亂卷有聲絮蔚然而龍鏘然
韶大者如珠小者霧解衣盤薄踞虎豹遙送空濛
濕巾屨金鋪玉戶蔡家姝拍手招人笑相顧麻姑
老矣不解事拍點五雲推使去

白鶴觀

缺唇丹井應千尺
禿頂靈杉恰百圍
鶴去不聞人下子
黃蜂無數採花歸

楞伽山房

二絕

八萬猊床方丈室
九千書卷半邊窻
僊翁句子無人問
流水泠泠度石缸
風標勁似聶政姊
筆力健如曹大家
此手始能爲此竹
對渠枯木老槎牙

水行

岸曲頻移拖巾欹
獨倚檣月分雲外
影風進水邊涼
宿鳥樹三匝佳人
天一方清斯纓可濯
誰爲賦

滄浪

洪園洗心堂飲中偶成

官事何時了，抽身朱墨叢。
未霜烏桕赤，得日紫薇紅。
山勢西南缺，湖光左右通。
引將絲竹，卻洗耳聽松風。

荅仲肅梅

巡簷索笑爲踈花，便未開花亦自佳。
帶月折歸香在手，開觀塞破路三丫。

鄱江樓晚望

暮雨纔收未炙燈，蒼鷺掠破岸陰澄。
湏臾認得舡頭竹，始信漁人掛起罾。

有感

一蝗東方來孕子九十九未出婪酣肚已辦饒饒
口漫天自成幕掃地不用帚一朝霜風寒何處弄
百醜

取涼二絕

六月冷官還解熱解衣盤礴坐蒼苔微風只在松
梢頂着意招呼不下來
平湖水則減三分尚欠紅蕖一段雲萬斛波光自
吞吐月明亦足張吾軍

敞雲樓二絕

江天雲作黑山頽上到樓頭手決開水墨枕屏三

百里斜陽屬玉一雙來

草樹成行整復斜江頭白處定蘆花夜深更著無
邊月好箇樓居處士家

正月三日同莫幹祝法遊東西園

探得行春第一籌南梢花事半將休斷雲不礙遠
山碧新月自隨江水流金谷主人真已矣玉堂老
子尚來不丁寧留取蒲城酒更約東風汗漫遊

擬古送莊郎中歸朝

二首

西北有高樓長眺起我思我思非今人古人莫見
之孟軻尊仁義妾婦秦與儀孔明抱禮樂鬼蜮操
及不已物孰重輕徇道不徇時富貴一餉樂名節

百世師居今而行古豈無若人斯
逝洎從之游洎盤濯雙綏

涉江採芙蓉露華不盈筐
雜之蘭爲佩申之蕙爲纓
持此孰與贈美人天一方
駟虬乘蒼鷺御風朝虛皇
袖中治安書琅琅奏明光
探囊出刀圭爲民起膏肓
臨流不可渡與世爲津梁
玉池浸雞舌薰作青史香

林同年被檄來體訪民租寓僧舍有詩
因次韻 二絕

河水清兮有縣特東方作矣未解襦
寄聲卿自用卿法我獨舉酒留詩臞